

В статье определены новые задачи философского воспитания в формировании личности. В том числе изложены мнения об актуальности воспитания в наше время, его особенностях и взаимосвязи с другими дисциплинами. Подчеркивается важность эстетического, педагогического и религиозного воспитания в воспитании человека.

SUMMARY

The article defines new tasks of philosophical education and its formation in the personality. There is also an opinion about the relevance of education, its features and relationship with other disciplines. The importance of aesthetic, pedagogical and religious education in human education is emphasized.

КОРАҚАЛПОҒИСТОН ЎЗБЕКЛАРИНИНГ НИКОҲ ТЎЙИГА ТЕГИШЛИ АЙРИМ МАСАЛАЛАР

Н.Г.Сатимова - ассистент ўқитувчи

Ажиниёз номидаги Нукус давлат педагогика институти

Таянч сўзлар: никоҳ, совчи, совчилик, никоҳ тўйлари, маросим, шўр патир.**Ключевые слова:** брак, сватовство, свадьба, мероприятие, слоёный хлеб.**Key words:** marriage, sovchi, matchmaking, wedding ceremony, shur patir.

Ўзбек халқининг қадимий анъаналари, расм-русумлари, дунёқараши, урф-одатлари, турмуш тарзи, асрлар бўйи жамланган ҳаётий тажрибаларини ўзида мужассамлаштирган энг жозибали маросимларидан бири никоҳ тўйидир.

Дунёдаги кўплаб бошқа халқлар сингари Қорақалпоғистон ўзбекларининг тантаналари орасида никоҳ тўйлари ўзининг турли урф-одатлари ва ранг-баранглиги билан алоҳида ажралиб туради. Қорақалпоғистон ўзбеклари никоҳ тўйлари оилавий ҳаёт тарзи ва маънавий маданиятнинг таркибий қисми бўлиб, унинг иштирокчилари томонидан бир-биридан ажойиб урф-одатлар ва удумлар бажарилади.

Никоҳ [1] умуминсоний қадриятларни ўзида мужассамлаштирган урф-одат бўлиб, ибтидоий жамиятнинг сўнгги даврида юзага келган ва кейинчалик ёзма тарзда қонунлаштирилган маросим шаклини олган. “Никоҳ” асли арабча сўз бўлиб, “эр-хотинликнинг шариат йўли билан қонуний расмийлаштириш”, “оилавий иттифок” деган маънони билдиради [2] Яъни никоҳ – икки жинс вакиллариининг ўзаро розилиги асосида тузилган иттифокдир [3].

Маҳмуд Қошғарийнинг “Девону луготут-турк” асарида, никоҳ тўйи билан боғлиқ бир канча сўзларнинг изоҳи келтириб ўтган [4]. А.Фитратнинг таъкидлашича, никоҳ – бу ҳаётда дўст, бахт ва бахтсизликда шерик, ғам-қайғу вақтида ҳамдам, хушнуд дамларда бир-бирларига ёр бўлишни истаган эркак ва аёлнинг шахсий ва ижтимоий вазифаларини биргаликда бажаришлари лозим бўлган иттифокдир. Никоҳ эр-хотин ўртасидаги ўзаро тенглик ва ўзаро хоҳиш асосида тузилган аҳду паймон битими, муҳаббат ва меҳр билан ҳаётда шерик бўлиш демакдир.

Дастлаб мавзунинг тарихшунослигига тўхталадиган бўлсак, оила, никоҳ тўйлари ҳақида бир қатор олимлар илмий изланишлар олиб борганлар. Булар ичида асосан мавзуимизга яқин бўлган Қорақалпоқларнинг анъаналари ва урф-одатлари ҳақида илмий изланишлар олиб борган тадқиқотчилар ҳақида тўхталиб ўтаемиз.

Х.Есбергенов ва Т.Атамуратовнинг “Шаҳарлик қорақалпоқлар ҳаётидаги анъаналар ва уларнинг шаклланиши” номли монографиясида анъанавий никоҳ шакллари, қудачилик турлари ва никоҳ тўйи маросимлари тадқиқ этилган бўлиб, ундаги анъанавийлик ҳамда замонавийлик қиёсий таҳлил қилинган [5]. Бундан ташқари никоҳ кўринишлари, тўй маросимлари ва анъаналар ҳақида ҳам илмий мақолалар чоп этилган.

К.Мамбетовнинг “Қорақалпоқларнинг этнографик тарихи” [6] китобида қорақалпоқ халқининг пайдо бўлиши, миллий ўзгачалиги, хўжалиги, сиёсати, кийим – кечаклари, миллий урф – одат ва маросимлари, тўй кўшиқлари ҳақида маълумотлар берилган.

Б.Бегжановнинг илмий тадқиқоти “Қорақалпоқ тўй маросими фольклорининг тарихий-этнографик хусусиятлари” (никоҳ тўйи маросимлари мисолида) [7] мавзусида бўлиб, қорақалпоқларнинг оила-никоҳ

муносабатлари билан боғлиқ урф-одат ва маросимлар генезиси, эволюцияси ҳамда этнолокал хусусиятларини фольклор манбалари асосида тадқиқ қилган.

С.Есбергеновнинг “Қорақалпоқлар анъаналари, тўй, маросимлари ва қадриятлари” мақоласида қорақалпоқ халқининг маънавий қадриятлари, унинг шаклланиши ва барча шариат қоидаларига риоя этиш тартиби ҳақида сўз борган [8].

Бундан ташқари кўпгина тадқиқотчилар қорақалпоқлар ҳақида кўпгина илмий изланишлар олиб борганлар, аммо Қорақалпоғистон ҳудудида яшовчи ўзбеклар ҳақида умуман ҳеч нарса ёзилмаганлиги, биз танлаган мавзунинг долзарблигини билдиради.

Никоҳ тўйи тантаналарини бошлаб берувчи дастлабки маросим бу совчилик ҳисобланади. Совчилик тарихи ҳам узоқ ўтмишга бориб тақалади. Совчилик тўғрисидаги илк маълумотлар VII – VIII асрларга оид Ўрхун –Энасой битикларида учрайди. Тунюқуқ битиктошида “сов” сўзи “саб” – сўз, гап маъносида, ирк (фол китоби)да эса “саб” – сўз, “сабчи” – хабарчи, сўз келтирувчи маъносида қўлланилган [9]. Ўз навбатида, ўрта асрлар машҳур тилшуноси Маҳмуд Қошғарий бун “совчи – келин ва куёв орасидаги бир-бирига хабар элитувчи” деб изоҳлаган [4]. Совчи нафақат икки ёшнинг бошини қовуштиришда, балки бахтли турмуш қуриб кетишида ва икки хонадон ўртасида яхши муносабат ўрнатишида ҳам воситачидир [10]. Шу боис куёв томон қиз томонга ўзларининг энг ишончли одамларини совчи қилиб юборганлар. Бундан ташқари элчиликка борадиган одам хоҳ эркак, хоҳ аёл киши бўлишидан қатъий назар доно, оқила, кўпни кўрган, обрў-эътиборли бўлиши керак.

Совчилик маросимидан олдин қиз танлаб олиш ҳам энг муҳим вазифалардан биридир. Энг биринчи навбатда куёв бўлиш арафасидаги йигитдан бирон-бир қизга кўнгли бор ёки йўқлиги сўралади. Мабоодо йигитнинг кўнгил кўйган қизи бўлмаса, унинг ота-онаси ва яқин қариндошлари томонидан қиз қидирилади. Агарда маъқул қиз топилса, олдин қизнинг ота-онаси, насл-насаби, қариндош-уруғлари ҳақида сўраб-суриштирилади. Бундан ташқари қизнинг хусну жамоли, соғлиги, одобу-тарбиясига, қолаверса, эгаллаган маълумоти ва касб-хунарига ҳам алоҳида эътибор берилди. Агарда танланган қиз йигитга ва ота-онасига маъқул бўлса совчиликка боришади. Қорақалпоғистонда яшовчи ўзбекларда асосан совчиликка эркаклар куёвнинг отаси, амакиси ёки тоғаси боришади. Қиз томондагилар хонадондаги энг ёши улуг кишидан, яъни “бобоси ёки момосининг олдидан ўтайлик”, ёки “қариндошлар билан маслаҳатлашиб кўрайлик” деб жавоб беради. Иккинчи ёки учинчисида (агар номзод маъқул келса) ёшлар бир-бирини кўрсин, гаплашсин дейишади. Розичилик аломати сезила тўйдан олдин аёллар ширинликлар солинган дастурхон олиб борадилар. Қизнинг ота онаси розилик билдирса, дастурхон очилади, акс холда

шундайлигича қайтариб юборилади. Шу тарика қиз томоннинг розилигини олгач фотиҳа тўйидан олдин бўладиган маросимга тайёргарчилик қиришади.

“Шўр патир” –совчиликнинг бу тури “фотиҳа тўйи” маросимидан олдин бўладиган маросимлардан бири. Бу маросимни “эшиқочар”, “нон синдириш”, “ок ўрар” деб ҳам аталади. “Эшиқочар” маросимида қиз тарафга қўни-қўшнилар ва қариндош ўруғлар ёрдамида 9 нон, 9 патир, 9 қатлама тайёрлашади ва ок дастурхонларга солиб олиб боришади ва 10 м энг яхши матодан, 10 м ок мато, 10 та эркаклар учун куйлак, 10 м велюр ва румол олиб борилади. Шу куни қалин пулини ҳам беришади. Қалин мол масаласи бугунги кунгача сақланиб қолган. Тўғри буни биз икки хил маънода тушунишимиз муимки. Биринчи томондан бу тўғридан тўғри одам савдоси, иккинчи томондан эса қизнинг ота-онаси қизига қалин пулига уй-рўзгор буюмлари олиб беради. Яъни куёв тараф берган қалин пули уларга қайтади. “Народы Средней Азии и Казахстана” (Ўрта Осиё ва Қозғистон халқлари) туркумидаги тўпламда ҳам ўзбек жамиятида тўй ва мотам маросим ва урф-одатлари ўтказиш тартиби тўғрисида маълумотлар келтирилган [11]. Масалан: Ҳозирги кунда ҳам никоҳ-тўйи зиёфат ташкил этиш, келин ота-онаси, ака-укалари ва қариндошларига совға-саломлар бериш билан боғлиқ катта харажатга эгадир. Келиннинг оиласи қизининг сепига куёв томондан берилган қалин пулиданда кўпроқ маблағ сарф қилади. Одатда сепига бир неча тўплам кийим, маиший техника буюмлари ва бошқа майда маҳсулотлар берилади. Энди масаланинг яна бир томони бор, қизнинг ота-онаси камбағал бўлса ёки йигит томон камбағал бўлса у шунча пулни бера олмайди. Ундаги ҳолат ҳам бизнинг тадқиқотимиздан

четда қолмаган. Йигит ёки қиз тарафдаги қариндош уруғларнинг ёрдами орқали ўтказишади. Бундан ташқари шу куни тўй кунини ҳам белгилаб олишади. Тўй уйда, кафеда, ресторонда ўтказилади. Айримлар уйда тўй қилади ва шу билан чекланади, айримлар катталар ва ёшлар тўйини ҳам битта ресторонда қилишади.

“Патё тўй” (фотҳа тўйи) Бу маросимга нисбатан “патир” ва “потия тўй” номлари барабар қўлланилади ва бу икки хил ном бир хил маросимни ифодалайди. Куёв хонадонида шу куни қариндош-уруғ ва қўни-қўшнларнинг кўмагида нон ва патирлар ёпилади, қатламалар пиширилади. Қудаларниқига олиб бориладиган харажат ва сарполар тахланади. Бу маросим никоҳ тўйи таркибини ташкил этувчи тадбирлар ичида энг асосийларидан бири ҳисобланади ва унга келин хонадонида ҳам тайёргарлик қўрилади. Фотҳа тўйида ҳам қиз тарафга қатлама, патир, нон ок дастурхонларга ўраб олиб боришади.

Хулоса ўрнида қайд этиш лозимки, бу мавзуимиз хали тадқиқот қилишни талаб қилади. Ўзбек халқида совчилик маросими ва тўйгача ўтказиладиган маросимлар қадим даврлардан вужудга келиб шаклланиб келган халқона урф-одатлардан биридир. Совчилик маросими нафақат икки ёшни қовуштириш учун ишни битириш, балки азалий қадриятларни асраб авайлаш, ҳурмат қилишга ундовчи қадриятлардан ҳам ҳисобланади. Шунингдек, совчилар икки ёшнинг бахтли турмуш куриб кетишида уларнинг ота-онаси қаторида бирдек масъул бўлган шахс ва икки хонадон ўртасида яхши муносабат ўрнатишда воситачи ва қариндошлик алоқаларини мустаҳкамлашда ниҳоятда муҳим аҳамият касб этади.

Адабиётлар

1. Тошева Т. С. XX асрда Қашқадарё воҳаси ўзбекларининг никоҳ тўйи маросимлар / тарих фанлари номзоди илмий даражасини олиш учун ёзилган дисс. -Т.: 2002. 24-б.
2. Ўзбек тилининг изоҳли луғати. Икки томлик. Т. I. -М.: “Рус тили”, 1981. 502-б.
3. Ўзбекистон энциклопедияси. 12 томлик.
4. Махмуд Қошғарий. Девону луғатит турк. -Т.: “Фан”, 1963. Т. 3. 169-б.
5. Есбергенов Х., Атамуратов Т. Традиции и их преобразование в городском быту каракалпаков. – Нукус: Каракалпакстан», 1975. –С. 212.
6. Мамбетов К. Қорақалпоқларнинг этнографик тарихи. –Нукус: 1995.
7. Бегжанова Б. Қорақалпоқ тўй маросими фольклорининг тарихий-этнографик хусусиятлари (никоҳ тўйи маросимлари мисолида.) Фалсафа доктори (PhD) диссертацияси автореферати. –Нукус: 2020.
8. Журнал. Научно-практические исследования. Россия. –Омск: 2020. –С.21-22.
9. Аширов А. Ўзбек халқининг қадимий диний эътиқодлари. –Т.: Алишер Навоий номидаги Ўзбекистон Миллий кутубхонаси, 2007. 89-б.
10. Мардонова Г. Нур тўла уй. -Т.: “Меҳнат” 1992. 5-б.
11. Народы Средней Азии и Казахстана. Том. I. -М.: Издательство АН СССР, 1962. – С. 328.

РЕЗЮМЕ

Ушбу мақолада никоҳ тўйи ва совчилик маросими тўғрисида, шу билан бирга, Қорақалпоғистондаги ўзбекларнинг никоҳ тўйи ва никоҳ тўйидан олдин ўтказиладиган совчилик маросимларининг айрим масалалари ёритилган.

РЕЗЮМЕ

Данная статья о помолвке и свадьбе, также освещены некоторые проблемы предсвадебных церемоний и свадеб узбеков Каракалпакстана.

SUMMARY

This article gives a brief information on weddings and engagement ceremonies. It covers the wedding of Uzbeks in Karakalpakstan and the pre-wedding gift ceremony.